

ADDENDA CUARTA AO CONVENIO DE COLABORACIÓN ENTRE A CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL E A ASOCIACIÓN DE PAIS DE PERSOAS CON TRASTORNO DE ESPECTRO AUTISTA (TEA) DA PROVINCIA DA CORUÑA (ASPANAES) PARA POSIBILITAR O USO DO SERVIZO DE COMEDOR ESCOLAR DO ALUMNADO CON DISCAPACIDADE EN CATRO CENTROS EDUCATIVOS RADICADOS NA PROVINCIA DA CORUÑA

### **REUNIDOS**

Dunha parte, Román Rodríguez González, conselleiro de Educación, Ciencia, Universidades e Formación Profesional e, que, en virtude do seu nomeamento mediante o Decreto 44/2024, do 14 de abril, actúa de conformidade coas facultades que lle atribúe o artigo 34 da Lei 1/1983, do 22 de febreiro, de normas reguladoras da Xunta e da súa presidencia.

Doutra, Ignacio Labella Lozano, que actúa no nome e representación da Asociación de Pais de Persoas con Trastorno de Espectro Autista (TEA) da provincia da Coruña (ASPANAES) na súa calidade de presidente, conforme o seu nomeamento na asemblea xeral extraordinaria de 2 de xuño de 2024.

### **EXPOÑEN**

I.- Que o 2 de xuño de 2021 a Consellería de Educación, Ciencia, Universidades e Formación Profesional e a Asociación de Pais de Persoas con Trastorno de Espectro Autista (TEA) da provincia da Coruña (ASPANAES) asinaron un convenio de colaboración para posibilitar o uso do servizo de comedor escolar ao alumnado con distintos tipos de discapacidades en catro centros educativos radicados na provincia da Coruña (CEEPR ASPANAES A Coruña, CEEPR ASPANAES Duques de Lugo, CEEPR ASPANAES Ferrol e CEEPR ASPANAES As Pontes). O 9 de xuño de 2022 asinaron unha addenda ao convenio de colaboración para o curso escolar 2022-2023. O 19 de xuño de 2023 asinouse a addenda segunda para o curso escolar 2023-2024. A addenda terceira asinouse con data do 2 de agosto de 2024 para o curso escolar 2025-2026.



II.- Que as necesidades de uso do servizo de comedor escolar para o alumnado con distintos tipos de discapacidades que motivaron o asinamento do convenio manteñen a súa vixencia para o curso escolar 2025-2026.

III.- Que a cláusula décimo terceira do convenio prevé a posibilidade de prórroga por cursos escolares completos, sempre que conste expresamente a vontade das partes asinantes do convenio.

De acordo con todo o anterior, e co obxectivo de garantir o acceso á educación dun sector da poboación escolar galega que require unha atención específica e preferente, a Consellería de Educación, Ciencia, Universidades e Formación Profesional e a Asociación de Pais de Persoas con Trastorno de Espectro Autista (TEA) da provincia da Coruña (ASPANAES) acordan a sinatura desta cuarta addenda para posibilitar o uso do servizo de comedor escolar ao alumnado con distintos tipos de discapacidades en catro centros educativos radicados na provincia da Coruña (CEEPR ASPANAES A Coruña, CEEPR ASPANAES Duques de Lugo, CEEPR ASPANAES Ferrol e CEEPR ASPANAES As Pontes). con suxeición ás seguintes

## CLÁUSULAS

### **Primeira.- Obxecto**

Constitúe o obxecto desta addenda, estender a vixencia do convenio asinado o 2 de xuño de 2021 durante o curso escolar 2025-2026.

### **Segunda.- Financiamento para o curso escolar 2025-2026**

A consellería colaborará coa Asociación de Pais de Persoas con Trastorno de Espectro Autista (TEA) da provincia da Coruña (ASPANAES) cunha achega económica máxima de 2,84 euros por usuario, sendo a aportación máxima de 68.750,72 € (27.423,04 € no ano 2025 e 41.327,68 € no ano 2026), para un número máximo de 136 usuarios autorizados, que se financiará con cargo á



partida orzamentaria 07.01.423A.221.07 dos orzamentos xerais de gastos da Comunidade Autónoma de Galicia para os anos 2025 e 2026.

### **Terceira.- Publicidade e rexistro da addenda cuarta. consentimento para a publicidade de datos persoais**

O réxime de publicidade desta addenda será o establecido na Lei 1/2016, do 18 de xaneiro, de transparencia e bo goberno. A sinatura desta addenda leva implícita a autorización para o tratamento necesario dos datos e a referida publicidade.

Asemade procederáse a inscrición desta addenda no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Cnvenios da Xunta de Galicia.

Coa sinatura desta addenda as partes asinantes prestan o seu consentimento para incluír e facer públicos os datos a través do Portal de Transparencia e Goberno Aberto.

### **Cuarta.- Condicións**

Esta addenda rexeráse polas condicións estipuladas no convenio do que trae causa, formando parte integrante do mesmo, sen prexuízo da aplicación para o curso escolar 2025-2026 do financiamento establecido na cláusula segunda da presente addenda.

Estando conformes co estipulado, asínase esta cuarta addenda na data da súa sinatura dixital.

O conselleiro de Educación, Ciencia,  
Universidades e Formación Profesional

P.D. (Orde do 05.06.2024)

O secretario xeral técnico

Manuel Vila López

O presidente da Asociación de Pais de  
Persoas con Trastorno de Espectro Autista  
(TEA) da provincia da Coruña (ASPANAES)

Ignacio Labella Lozano

